

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Ngā take o te wā

Aronga: Toi Puoro 1.2A

Paerewa Paetae: Toi Puoro 1.2

Kaupae: 1

Whiwhinga: 6

He Tohutohu mā te Ākonga

I tēnei ngohe

I tēnei ngohe, ka tūhura, ka whai koe i ngā tukanga toi puoro ki te tito waiata.

Te horopaki

Ko tāu na mahi he tito waiata motuhake mō tētahi kaupapa nui o te wā.

Ka mahi takirōpū koutou ki te matapaki i ngā āhukatanga o tētahi kaupapa nā koutou anō i kōwhiri, kātahi ka tito waiata koutou hei whakamāori atu i taua kaupapa. Ka whakatakotoria ngā kōrero katoa ki tētahi hautaka.

Ka aromatawaingia tāu whakaatu māramatanga ki ngā tukanga tito waiata hei whakamāori atu i ngā āhukatanga o te kaupapa.

Hei mahi

Matapakihia hei rōpū ngā āhukatanga matua o te kaupapa kua kōwhiria e koutou.

Kōwhirihia ngā āhukatanga toi puoro e tika ana hei whakamāori atu i tā koutou kaupapa. Āta whakaarohia ngā huānga hei whakakikokiko i te titonga waiata, arā pea, te taki, te rangi, te ūngerī, te mea, te mea, kia rerehua ai, kia rangona ai te wairua o te kaupapa.

Kohia, hopukina ō koutou whakaaro me ā koutou kōrero katoa ki ā koutou ake hautaka hei taunakitanga i te mahi a tēnā, a tēnā, hei taunakitanga anō hoki i ngā whakawhanaketanga o te waiata. Me haere tonu ngā whakawhanaketanga kia oti rawa, kia tau ai ngā mahi. Tukua tā koutou waiata ki te rōpū whānui.

Kōrero Āpiti

tukanga toi	<p>Ko ngā tukanga ngā hātepe ka whāia kia tutuki ai tētahi whāinga.</p> <p>Hei tēnei ngohe, ko ngā tukanga katoa tērā e hāngai ana ki ngā toi puoro me te tito waiata.</p>
-------------	--